

მიწაზე კერძო საკუთრება (თეორია, პრაქტიკა, პერსპექტივა)

ბიშლი ბიძიშვილი
სტუ-ს ასოც. პროფესორი

კერძო საკუთრება არის ადამიანის თავისუფლების ეკონომიკური გარანტი – ესაა ღირებულური იდეოლოგიის ამოსავალი პოსტულატი. მხოლოდ სახელმწიფოს ან სხვა უმსხვილეს მესაკუთრეთა იმედად დარჩენილი მოქალაქე საკუთარ ქმედებებში თავისუფალი ვერ იქნება. სწორედ ამიტომ სამოქალაქო საზოგადოების ხელხმალს წვრილ და საშუალო მესაკუთრეთა მრავალრიცხოვანი ფენა წარმოადგენს. შესაბამისად, მიწის რეფორმის თავდაპირველი და ძირითადი მიზანი იყო ყოფილი კოლმეურნეები მესაკუთრე გლეხებად (ფერმერებად) ექციათ და არა ბოგანოებად თუ ბატრაკებად.

მივიღეთ შებრუნებული ვარიანტი – პრივატიზებულმა მიწამ გლეხობა ვერ დაიმარცხა. მისი ერთი ნაწილი ქალაქს მიაწვდა. უმრავლესობა უცხოეთში გაიხიზნა. რა მოხდა, შეგვეშალა რამე თუ შეიცვალა რამე? მოხდა ის, რომ მივაგენით მიწის პრივატიზების ყველაზე თანამედროვე, მოდერნიზულ ვარიანტს. კერძო საკუთრება თავისუფალია, არავითარ შემთხვევაში არ უნდა დაეუშვათ რაიმე ფორმით მისი საკანონმდებლო შეზღუდვა, პირიქით, კანონმდებლობიდან უნდა ამოვიღოთ ყველაფერი, რაც აფერხებს მესაკუთრის ამ წმიდათაწმინდა უფლების რეალიზებას.

ითქვამს და გაკეთდა – მიწის კანონმდებლობა ამ მხრივ უკვე მთლიანად სტერილურია.

საკუთრების თავისუფლების უტრირება საკუთრების ზოგადი იურიდიული განმარტებიდან იღებს სათავეს. იურიდიული აზრით, საკუთრების უფლება სხვა არაფერია თუ არა მესაკუთრის ნივთთან ურთიერთობა. სხვა სიტყვებით რომ ვთქვათ, ეს არის მესაკუთრის უფლება ნივთს ისე მოექცეს, როგორც სურს. აღნიშნული უფლება შედარებით სრულად სანივთო სამართალში ვლინდება. იციან ეს ჩვენმა რეფორმატორებმა. ამიტომაც იყო მიწა სანივთო სამართალში რომ გამოამწყვდიეს. არადა მათ ისიც იციან (არ შეიძლება არ იცოდნენ!), რომ მიწა ის უცნაური ნივთია, რომელიც ვერაფრით თავსდება სანივთო სამართლის პროკრუსტეს სარეცელზე. უცოდინარობის სიმუღაცია მიმდინარე ეკონომიკურმა პოლიტიკამ მოითხოვა.

სინამდვილეში რამდენად აბსოლუტურია მესაკუთრის უფლება, საკუთრებას ისე მოექც-

ეს როგორც სურს?

ჯერ ერთი, თვით სანივთო სამართალიც აწესებს გარკვეულ შეზღუდვებს, როცა საქმე განსაკუთრებულ ნივთს ეხება. მაგალითად: მესაკუთრეს არ აქვს უფლება გაასხვისოს ნივთი საზღვარგარეთ თუ იგი იმავდროულად საყოველთაოდ აღიარებულ ეროვნულ განძს წარმოადგენს. რაც შეეხება მიწის მესაკუთრის იურიდიულ უფლებებს, დასაბამიდან დღემდე იგი არასდროს არ ემთხვეოდა რეალურს. საზოგადო ინტერესებიდან გამომდინარე, მესაკუთრის გონივრული შეზღუდვა დღესაც ფართოდაა დამკვიდრებული მსოფლიო პრაქტიკაში.

დასავლეთში, კერძო მესაკუთრის ფუნდამენტურ უფლებას, განკარგოს მიწა, არავინ უარყოფს, მაგრამ ასევე არ უარყოფენ გასხვისების უფლების შეზღუდვის აუცილებლობას. ზოგან ეს შეზღუდვები იმდენად მნიშვნელოვანია, რომ ვერაფრით ვერ ჯდება თავისუფალი საბაზრო ურთიერთობების კონტექსტში. ნებისმიერი საზოგადოება, ნებისმიერი სახელმწიფო, ამ საკითხს უდგება საკუთარი ისტორიული გამოცდილების, ტრადიციების, ეროვნული და საზოგადოებრივი მიზანშეწონილობის მიხედვით. თუ საკუთრების კლასიკური იურიდიული გაგება წინააღმდეგობაში მოდის საზოგადო ინტერესებთან, უყოყმანოდ იწირება თეორია. ამ მხრივ დასავლური სახელმწიფოები არავითარ სიმორცხვეს არ ამჟღავნებენ ერთმანეთის მიმართ.

ნაპოლეონმა, რომელსაც რომაული სამართლის შემდეგ, ყველაზე დიდი წვლილი მიუძღვის საკუთრების აბსოლუტური უფლების დამკვიდრებაში, გამონაკლისი დაუშვა მხოლოდ და მხოლოდ მიწის მიმართ. კერძოდ, დასაშვებად მიიჩნია ამ „ნივთის“ ექსპროპრიაცია საზოგადოებრივი ინტერესების სასარგებლოდ.

მსგავსი მაგალითები უამრავია, მაგრამ მხოლოდ ჩვენი რეფორმატორებისათვის, არც ისე დიდი ხნის წინ, ყველაზე ავტორიტეტულ წყაროს დავიმოწმებთ:

„გერმანიის ფედერაციული რესპუბლიკის კონსტიტუციურმა სასამართლომ მიიჩნია, რომ მიწის საკუთრება, განსხვავებით სხვა ქონები-

საგან, უფრო „საყოველთაო ინტერესების“ სოციალურ-სამართლებრივ მოთხოვნებს უნდა დაექვემდებაროს, ვიდრე ბაზრის სტიქიას და ცალკეულ პირთა შესედეულე- ბებს“¹. (ხაზგასმა ჩვენია გ.ძ.)

„განსხვავებით სხვა უამრავი ქონებისაგან, მიწის ყიდვა-გაყიდვას, გაცვლას, ჩუქებას, არსებითი თავისებურებები აქვს. მათი მიზანი პირველ რიგში, მიწების განთავსებისა და სპეკულაციის, აგრეთვე უცხოთა მიერ მიწების ხელში ჩაგდების გამოორიცხვა გახლავთ“² (ხაზგასმა გ.ძ.)

დასკვნებსაც იმავე წყაროს დავესესხებით: „საჭიროა უკუვაგდოთ მიწის საკუთრების კულტურული გაგება, რომელიც გაბატონებულია ჩვენში, თითქოს მიწის მესაკუთრეს აბსოლუტური უფლებები გააჩნია და რასაც მოისურვებს იმას უზამს საკუთრებაში არსებულ მიწას. . . ნურც ის შეგვაშინებს თუ საქართველოს ზოგ რეგიონში მიწის კერძო საკუთრება შეიზღუდება. ეს არ არის არავითარი საერთაშორისო სამართლის ნორმების დარღვევა, რომელთა უსაფუძვლოდ ხშირ-ხშირად დამოწმება მეტად გავრცელებდა“³ (ხაზგასმა გ.ძ.)

ეს გახლავთ მცირე ამონაკრები თბილისის სახელმწიფო უნივერსიტეტის პროფესორის ლ. ჭანტურიას საგაზეთო წერილიდან: საქართველოს რესპუბლიკა 14.09.1991 პუბლიკაციის თარიღს დაუუკვირდეთ. კანონმდებელ ლ. ჭანტურიას მიწის „ქართულ“ კოდექსში მის მიერვე ფიქსირებული შეზღუდვების ნახევარიც რომ შეეცანა, სადისკუსიო ბევრი არაფერი დარჩებოდა. „გულმაღიწყოება“ გასაგებია, უნივერსიტეტის კათედრაზე სხვაგვარად აზროვნებენ, ვიდრე მინისტრის საკარძელში.

როგორც ვხედავთ, ევროპული გამოცდილება სწორედ იმას გვასწავლის, რომ თითოეულმა ქვეყანამ უნდა შექმნას კერძო საკუთრების ფუნქციონირების ისეთი მექანიზმი, რომელიც მოცემულ ეტაპზე პასუხობს ამავე ქვეყნის პოლიტიკურ, ეროვნულ, ეკონომიკურ და სოციალურ ინტერესებს. ამას „ევროპაზე ორიენტირებული“ რეფორმატორების საყურადღებოდ ვამბობთ, შიშით რომ კანკალებენ, რაიმე აზიური არ გაგვეპაროს მიწის კოდექსშიო.

ნათუ არ დადგა დრო, ჩვენივე ისტორიული გამოცდილების საფუძველზე ჩვენვე გავარკვიოთ, რას ითხოვს ქვეყნის ინტერესები და შესაბამისად ამის შემდეგ და ამის მიხედვით განესაზღვროთ რეფორმის ძირითადი მიმართულება?!

არ დაგვიმალავთ, მწარედ დამაფიქრა „ქართული ოცნების“ საკმაოდ ხანგრძლივმა დუმილმა. ჩვენ აზრით, ერთ მეტად საჭირობოროტო საკ-

ითხზე – მხედველობაში გვაქვს უცხოეთის იურიდიულ პირებსა თუ რიგით მოქალაქეებზე ქართული მიწა-წყლის გასხვისების მოქმედი კანონმდებლობა, რომელიც დღესაც (უფრო სწორად, დღეს უფრო) წარმატებით მოქმედებს. იმავეს თქმა შეიძლება უცხოელ იმიგრანტთა მიგრირების გამარტივებულ და გაიოლებულ პროცედურაზეც. აღნიშნული კანონები „ქართულმა ოცნებამ“ რატომღაც მეცხრე თაროზე შემოდოდა, როგორც ჩანს, მათ რევიზიას ჯერჯერობით არ აპირებს, მაშინ როცა, ყბადაღებული პრეზერვატივები, ლამის ხელისუფლებაში მოსვლის დღიდან საყოველთაო დისკუსიის საგნად აქცია.

როგორც ჩანს, მთლად სწორად ვერ გავიგეთ 1 ოქტომბერს „ქართული ოცნებისათვის“ შეკვეთილი სამართლიანობის აღდგენის არსი. გულუბრყვილოდ გვეგონა, რომ სამართლიანობის აღდგენა, უწინარეს ყოვლისა, გულისხმობდა ქართველი ხალხისათვის საკუთარ მიწა-წყალზე მზაკერულად წარმეული მრავალსაუკუნოვანი უფლების აღდგენას.

ჩვენ არ ვიცით, რა ასაზრდოვებს ქართული საზოგადოების გულარხეინობას. ეს საყოველთაოდ მთარული „სიბრძნე“ ხომ არა? – „მიწას ზურგზე ვერავინ მოიკიდებს და ვერ წაიღებს“. არადა ამაზე „ობივატელური“, უმეცარი და ბრიყველი ე.წ. ფრთიანი ფრაზა, ძნელი წარმოსადგენია. ტერმინი „უძრავი ქონება“, დღეს იმდენად პირობითი გახდა, რომ სამეცნიერო ლიტერატურაში პირდაპირი მნიშვნელობით აღარავინ იყენებს. ნებისმიერი ქონება, მათ შორის მიწაც, მას შემდეგ, რაც საქონელი ხდება, მოძრავი ქონების ნიშნებს იძენს, ფეხს იდგამს, თავქუდმოგლეჯილი დარბის და დაეძებს ყველაზე მდიდარ პატრონს. საქონლის ეს თვისება ყოფითმა ლექსიკამ ინტუიციით დაიჭირა – „მიწები ამოძრავდა“, „მიწები ხელიდან ხელში გადავიდა“ და ა.შ. მიწის ეს უცნაური თვისება, ადგილიდან არ დაიძრას და იმავდროულად იმოდრავოს კიდევ, მსოფლიო ისტორიაში არაერთგზის დადასტურებული ფაქტია. ჩვენ მრავალთაგან მხოლოდ ორიოდ ტიპურ მაგალითს მოვიყვანთ.

იმპერატორის ხელმოწერილი ნასყიდობის სიგელით ალიასკამ ისე მარჯვედ ისკუპა, რომ ამერიკის შეერთებულ შტატებში ამოჰყო თავი.

შეზარხოშებულმა საბჭოთა იმპერატორმა ნიკიტა ხრუშჩოვმა ყირიმი უკრაინას უფუქშაშა, რაც დღემდე ვერ მოუნელებია რუსეთს. ჩუქების ეს აქტი, მაშინ რუსეთშიც კი ფარსად აღიქმებოდა, შესაკრებთა გადანაცვლებით რუსეთის საბჭოთა იმპერია არაფერს კარგავდა.

გამოხდა ხანი – ისტორიისათვის წამი, იმპერია დაიშალა და ფარსი ფაქტად იქცა, თუმცა

სხვათა მაგალითები რად გვინდა. ჯერ აფხაზეთი და „სამხრეთ ოსეთი“, შემდეგ ახალგორი და კოდორის ხეობა რომ გზას გაუდგენენ, როდის დაბრუნდებიან ან საერთოდ დაბრუნდებიან თუ არა, მამაზეციერის გარდა თუ იცის ვინმემ?

საქართველოს ჯაჭვის პერანგი ვერ შემოვაქსოვთ. სამაგიეროდ მცოცავი მავთულხლართები შემოგვაველეს და ბოლო არ უჩანს ამ მართონულ ცოცვას. ახლა ვნახოთ, მავთულხლართებს აქეთ დარჩენილ ქართულ მიწა-წყალს ხო მარ ემუქრება რაიმე საფრთხე?

მიწას ზურგზე ვერავინ მოიკიდებს და ვერ წაიღებს! გვაშვილებენ და გვაძუნათებენ ყოვლის მცოდნე სუტლიბერალები.

მთა რომ ვერ მივა მუჰამედთან, ნუთუ ეს იმის გარანტიაა, რომ მუჰამედი ან არ, ან ვერ მივა მთასთან, მით უფრო როცა მუჰამედის შთამომავალ შეიხებს ჩვენ თვითონ ყელგამოვწდით ვეპატიუებით. ნუთუ არ დადგა დრო, დაუფიქრდეთ მაინც, როგორ მოვეჭიდოთ ჩვენს მთას ისე, რომ აქედანაც კისრისტეხით არ მოგვისროლონ. არსებითად რა იცვლება იმით, უცხოელი იარაღის ძალით დაიპყრობს ჩვენს მამულს თუ ფულით იყიდის?.

პირველ შემთხვევაში თეორიული შანსი მაინც რჩება, რომ ძალით წართმეული ოდესმე ძალით დავიბრუნოთ, მაშინ როცა ნასყიდობის აქტით უცხოელი ჩვენი მიწის სრულიად კანონიერი და სამუდამო მესაკუთრე ხდება და ამიერიდან ვერასდროს ვერაფერში შეედავები. ახლა ისიც ვიკითხოთ, რა პქვია იმ ქვეყანას, სადაც მესაკუთრე უცხოელია, მოქალაქე კი საკუთრებას მოკლებული ხალხი. იმაგდროულად კოლონიალიზმის არსშიც თუ გაგვარკვევდა ოპონენტი, მაღლობელი დავრჩებოდით. ასევე რა მნიშვნელობა აქვს, მეფის რუსეთი ჩამოგვისახლებს კოლონისტებს ქვეყანაში თუ ფულზე გაწეწებული ჩვენივე ხელისუფლება?

ვერ გაგვიგია, მას შემდეგ, რაც ჩვენი ქვეყანა სასხვისო გახდება, არ აქვს მნიშვნელობა ვინ იქნება ეს სხვა: ჩინელი, არაბი, თათარი თუ რუსი, როგორღა იქნება ეს ქვეყანა საჩვენო. ლიბერალები დიდ სამსახურს გაგვიწვევენ ქვეყნის სახელწოდების („საქართველო“) ეტიმოლოგიასა და სემანტიკას თუ შეგვახსენებენ.

ვინმემ უტრირებასა და თავისუფალ ინტერპრეტაციაში რომ არ დაგვდოს ბრალი, მოვისმობთ დოკუმენტურ მასალას.

კორესპონდენტის კითხვა: „უცხოელს ექნება მიწის შესყიდვის უფლება?“

რესპოდენტის პასუხი: „რა მნიშვნელობა აქვს ქართველს ექნება მიწა საკუთრებაში თუ უცხოელს? ვთქვათ და სამხრეთ აფრიკის მცხოვრე-

ბი მოვიდა, ან ვინმე გერმანელი და მიწა იყიდა, რას იზამს, ზურგზე ხომ არ მოიკიდებს და აფრიკაში ხომ არ წაიღებს იმ მიწას? თუ ჩემს სოფელში – კოლაგში აფრიკელი ან გერმანელი ჩამოვა და მიწას იყიდის, ჩემს სოფლებს დაასაქმებს, ამით კარგ საქმეს გააკეთებს“⁴

რესპოდენტის სახელი და გვარია გია ხევიაშვილი (ეროვნება უცნობია, როგორც ვიცით, ამ „უნიშვნელო დეტალის“ შესახებ პასპორტში არაფერია ნათქვამი) თანამდებობა: არც მეტი არც ნაკლები, პარლამენტის აგრარულ საკითხთა კომიტეტის თავმჯდომარე.

რა დავაშავეთ ხალხნო, ვინ დაგვწყევლა ასე სასტიკად. თავმჯდომარეთა სიას გადაავლეთ თვალთ: როზა ლორთქიფანიძე, როინ ლიპარტელიანი, (სხვა სიკეთისა რა მოგახსენოთ, მაგრამ ამ კაცის ეროვნებას მაინც ამოიცნობს კაცი) ვანო მერაბიშვილი, გია ხევიაშვილი; როგორ ფიქრობთ, რომელიმე მათგანს, საკუთარ სოფელში მამასახლისად თუ აირჩევდა ხალხი?

ამოწერით კი ამოვწერეთ თავმჯდომარის „სიბრძნე“, მაგრამ დაზაფრული ვართ. არ ვიცით, რა მოვუხერხოთ ამ კაცის „რკინის“ ლოგიკას.

კეთილი და პატიოსანი, მაგრამ კოლაგელ ქიტესას რაღაო – მორცხვად მაინც იკითხავთ, ალბათ.

კოლაგელი ქიტესაო, გემოდვრავს კანონმდებელი, ზურგზე თოხს გაიდებს, ფეხშიშველი გაუდგება შარას, მხართეძოზე წამოწოლილი აფრიკელი თუ გერმანელი მემამულე დაუძახებს, მიწას გაათოხნინებს, ორიოდ გროშს აშოვნინებს და გადურჩება ქიტესა შიმშილით სიკვდილს.

ამაზე მეტი სიკეთე რაღა გინდა უმაღურო და დაუნახავო ხალხო?! შევეშველებით პათოსში ხევიაშვილს, დღეს, როგორც ვხედავთ, იმითაც კმაყოფილი უნდა ვიყოთ, მიწის მუშად მაინც თუ აგვიყვანს უცხოელი ფერმერი.

წავიდა ის **ბედნიერი** დრო (ისეთი დღე დაგვიდგა ხაზგასმულ სიტყვას ბრტყალებში არ ვსვამ), როცა დამპყრობი, იშვიათი გამონაკლისის გარდა, არათუ თოხში, ფაქტურად მიწაშიც არ გვეცილებოდა. იპყრობდა ქვეყანას, მიწის მესაკუთრედ კვლავ ქართველ ფეოდალს, მემკვიდრეობით მფლობელად კი ქართველ გლეხს ტოვებდა. ქვეყანას ხარკს შეაწერდა და ამით მთავრდებოდა საქმე.

სწორედ ამიტომ უცხოელთა ბატონობის დროსაც კი ქართველ ფეოდალსა და გლეხს არასდროს დაუკარგავთ მიწის მესაკუთრის განცდა. სწორედ აქაა საძებნი მრავალსაუკუნოვან ბრძოლებში ქვეყნის გადარჩენის ყველაზე

დიდი საიდუმლო.

ქართველი კაცის ცნობიერებაში მამული (მამეული მიწა) და მამული (სამშობლო ქვეყანა) დაწვეილებული შინაარსის ცნებები იყო. მამული ქვეყანა სხვა არა იყო რა, თუ არა ცალკეული მამულების ერთობლიობა. შესაბამისად, სამშობლოს ანუ მამულის დაცვით, თითოეული მათგანი საკუთარ კერძო მამულსაც იცავდა, უფრო მეტიც სამშობლოს სიყვარულის რომანტიზმი მამისეულ მიწაზე გადიოდა, ამის საიდუმლოდ მხოლოდ ერთ მაგალითს მოვიყვანო ქართული სინამდვილიდან.

1755 წელს მტრისაგან ალყაშემორტყმულ ყვარლის ციხის დამცველებს თოფისწამალი შემოეღიათ. ალყის გარღვევა და მეციხოვნეთა მიშველება უეჭველ თავგანწირვას ნიშნავდა. საგონებელში ჩავარდნილმა მეფეებმა: თეიმურაზმა და ერეკლემ, „უბრძანეს ქართველთა და კახთა ერთობით, რომელი ინებებს და თავისის გულოვნებით წარვალს და შევალს ციხესა ყვარლისასა... გლეხს კაცს, კაცზე ოთხ თუმანს, ორ საკომლო მამულსა და სითარხნეს მივსცემით“.

მოხალისეთა რაოდენობა მხოლოდ გლეხთაგან 208 კაცამდე ავიდა. თითოეულმა მათგანმა იცოდა, რომ შესაძლოა თვითონაც არ ენახათ შეპირებული მამული (უმრავლესობამ, ალბათ, ვერც ნახა, ზუსტი ცნობები არ გვაქვს), მაგრამ ასევე თითოეულმა მათგანმა ისიც იცოდა, რომ მის მიერ ხმლით ან სისხლით ნაშოვნები მამული მემკვიდრეობით გადაეცემოდა მისივე შთამომავლობას. ნეტარ არიან მორწმუნენი! ბაგრატიონთა ყველა წყალობის სიგელი გაუქმებულია და გასაჩივრებას არ ექვემდებარება.

ბაგრატიონთა უგვარო და უხანო „მემკვიდრეებმა“ დღეს გაცილებით „დიდი დამსახურების მამულიშვილებს“ მიაკვლიეს და მხოლოდ ისინი აქციეს წყალობის ღირსად.

გასაცემი მიწის უდიდესი და ყველაზე მსუფენაწილი შინაურობაში გაინაწილეს. ათასობით ჰექტარი მიწა ხელისუფლებასთან მიტმანნილ მედროვეებს გადაეცა იჯარა-გამოსყიდვის უფლებით. 2005 წლიდან დაიწყო ამ უფლების რეალიზება და დღესაც გრძელდება. ხელისუფლებამ მოწყალეობა გაიღო და ჯერ კიდევ გაუცემელი მიწების პრივატიზებაში გლეხობასაც მისცა მონაწილეობის უფლება, ცხადია, ღია აუქციონზე შესყიდვის ფორმით. იმ გლეხობას, რომელსაც თვით ხელისუფლების აღიარებით, არა თუ მიწის, 20 ლიტრი საწვავისა და ნახევარი ტომარა სასუქის ყიდვაც არ შეეძლო.

ეს თუ უფლებაა, ცინიზმი რაღაა?!

ეკონომიკური იძულება, იძულების ყველაზე მარტივი, ყველაზე ეფექტური, ყველაზე ვერაგუ-

ლი ფორმაა. მილიონამდე თუ მილიონზე მეტმა გლეხმა უხმაუროდ და ფეხაკრევით დატოვა სამშობლო. საბოლოო შედეგის მიხედვით, არავითარი მნიშვნელობა არ აქვს, შაჰაბაზი გარეკავს ქვეყნიდან ხალხს თუ შიმშილი.

რეფორმით ჩაფიქრებული ეკონომიკური ბუმი არ შედგა. სამაგიეროდ საშუალება მოგვეცა გამოგნებელი დასკვნები გაგვეკეთებინა. გაირკვა, რომ ყოვლისშემძლე კერძო საკუთრება ავტომატურად ვერ ხსნის შიმშილის პრობლემას, რომ მიწა, კერძო იქნება იგი თუ საერთო, ხელის გაუნძრევლად მოსავალს არ იძლევა, რომ ეკონომიკური სტიმულირების ეს მეთოდი (პრივატიზება) აზრს კარგავს სათანადო მატერიალური უზრუნველყოფის გარეშე.

პირველ რეფორმატორთა გულუბრყვილო თუ მოჩვენებით პატრიოტიზმს საბოლოოდ დაუსვა წერტილი ახალი რეფორმის მამამ კახა ბენდუქიძემ. რეფორმატორმა ჩვეული პირდაპირობითა და დახვეწილი ლექსიკით განაცხადა: ჩვენ არაფერში გვჭირდება სამი მილიონი ფერმერი. რაც მეტი გლეხი დატოვებს სოფელს მით უკეთესი. წავლენ დასაქმდებიან, საკუთარ თავსაც გამოკვებავენ და ოჯახსაც, მეგობართა თესავეებსაც შეეხიდეებიან და ბიუჯეტსაც. რაც მთავარია, თავიდან ავიცილებთ ყველაზე საშიშსა და სასტიკი ცარიელი ქვაბების რევოლუციას. გარდა ამისა, აგრარულ სფეროში ბევრი არაფერი გაგვეგება და უმჯობესი იქნება, ამ საქმეს თანამედროვე ტექნოლოგიებით აღჭურვილი უცხოელები თუ მიხედვენ.

შემუშავდა გენიალურად მარტივი სქემა. უნდა შეიქმნას აბსოლუტურად შეუზღუდავი მიწის ბაზარი. მიწაში მარტო მიწა არ იგულისმება: ზესკნელ-ქვესკნელიც მასში შედის. მიწის ბაზრიდან მიღებული შემოსავალი დიდად გადააჭარბებს ყველა დანარჩენ შემოსავალს ერთად აღებულს. მოდი და გაუძელი ასეთ ცდუნებას, მით უფრო, როცა „ფულს სუნი არ ასდის“, არადა ყნოსვა რომ არ გექონდეს დაკარგული, უფრო მყრალი სუნი რაიმეს ასდის?!

ბაზრის კანონების მიხედვით, წაუგებული თამაშია. გეჯერა, დარწმუნებულიც კი ვართ, რომ უახლოეს ისტორიულ მომავალში ეს ქვეყანა ამ ქვეყნიურ სამოთხედ იქცევა. ისიც ვიცით, რომ ყველა სიკეთე, გვინდა ეს ჩვენ თუ არა, თავისთავად, ტვინისა და ხელის გაუნძრევლად მოვა – ამ მაღლიან მიწას უპატრონოდ და უპატრონოდ არავინ დატოვებს. საფიქრალი და თავსატეხი მხოლოდ ისაა, ის სიკეთე ჩვენი იქნება თუ სხვისი და, რაც მთავარია, ჩვენ თუ ვიქნებით ჩვენ?

ხელისუფლება შეიცვალა. კურსი თუ შეიცვლება და თუ შეიცვლება როდის?

ბამოყენებული ლიტერატურა:

1. გაზეთი საქართველოს რესპუბლიკა 14.09.1991;
2. იქვე;
3. იქვე;
4. (საქართველოს რესპუბლიკა, 2005 №18 25 იანვარი);
5. საქართველოს ისტორიის ნაკვეთები, ტომი III, 1978. გვ. 248

ЧАСТНАЯ СОБСТВЕННОСТЬ НА ЗЕМЛЮ (ТЕОРИЯ, ПРАКТИКА, ПЕРСПЕКТИВА)

Г. ДЗИДЗИГУРИ
профессор ГТУ

В работе критически рассмотрены различные варианты дефиниции частной собственности на землю.

В результате рассмотрения соответствующих материалов делается вывод, что частная собственность на землю не является абсолютной категорией и что разумное ограничение собственника земли со стороны государственной власти в современном цивилизованном обществе является распространенной практикой.